

ქ. თბილისი

12 იანვარი 2024 წელი

ერთის მხრივ, საქართველოს პროკურატურა (საიდენტიფიკაციო კოდი: 204 398 302; მის: ქ. თბილისი, გორგასლის ქუჩა N24, ტელეფონი: 2 40-50-86; საბანკო რეკვიზიტები: სახელმწიფო ხაზინა, კოდი TRESGE22, ანგარიშის ნომერი: GE24BN0330100200165022) – (შემდგომში – შემსყიდველი), წარმოდგენილი საქართველოს გენერალური პროკურატურის ეკონომიკური დეპარტამენტის უფროსის შოთა ქარჩავას სახით და მეორეს მხრივ, შპს „თეგეტა პრემიუმ ვიიქელს“ (საიდენტიფიკაციო ნომერი: 401950938; დირექტორი: პეტრე წაქაძე, მისამართი: ქ. თბილისი, აღმაშენებლის ხეივანი, მე-12 კმ. #5; ტელეფონი: 2 24 49 11; 599 885 775; საბანკო რეკვიზიტები: ს/ს „თი ბი სი ბანკი“; ბანკის კოდი: TBCBGE22; ანგარიშის ნომერი: №GE60TB7076536020100010) – (შემდგომში – მიმწოდებელი), წარმოდგენილი დირექტორის პეტრე წაქაძეს სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „თ“ ქვეპუნქტის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები  
ხელშეკრულებაში გამოყენებულ ტერმინებს აქვს შემდეგი მნიშვნელობა

- 1.1 „ხელშეკრულება სახელმწიფო შესყიდვის შესახებ“ (შემდგომში – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, რომელიც ხელშეკრულების განუყოფელ ნაწილს წარმოადგენს.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების ჯეროვანად და კეთილსინდისიერად შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების მიწოდებას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების (შესყიდვის) ობიექტია, (შემდგომში „მომსახურება“) შემსყიდველის კუთვნილი ორი ერთეული ავტომობილის საგარანტიო პირობების ფარგლებში გეგმიური შეკეთებისა და ტექნიკური მომსახურების შესყიდვა, კლასიფიკატორის კოდი: CPV-50100000; შესასყიდი მომსახურების დასახელება, რაოდენობა ტექნიკური მახასიათებლები და საგარანტიო პირობები განისაზღვრება საქართველოს პროკურატურის მიერ 2023 წლის 26 ოქტომბერს გამოცხადებული ელექტრონულ ტენდერში **NAT230021450** მიმწოდებლის მიერ შემოთავაზებული პირობების მიხედვით, რომლებიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N3;).

3. ხელშეკრულების ღირებულება

- 3.1 ხელშეკრულების ღირებულება შეადგენს 7 192.00 (შვიდი ათას ას ოთხმოცდათორმეტი) ლარს, ხოლო პრეისკურანტის ღირებულება შეადგენს 20 023.00 (ოცი ათას ოცდასამი ) ლარს.
- 3.2 ხელშეკრულების საერთო ღირებულება მოიცავს, როგორც შესყიდვის ობიექტის ღირებულებას, ასევე, „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს

4. მომსახურების გაწევის პირობები, ადგილი და ვადები

- 4.1 მომსახურების გაწევა განხორციელდება მიმწოდებლის მიერ მითითებულ სერვის-ცენტრებში.
- 4.2 მომსახურების გაწევა უნდა განხორციელდეს ეტაპობრივად, ხელშეკრულების გაფორმებიდან 2024 წლის 31 დეკემბრის ჩათვლით.
- 4.3 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტის მიწოდების შესახებ ფორმდება შესაბამისი მიღება-ჩაბარების აქტი ფაქტიურად განხორციელებული მომსახურების შესახებ, ინსპექტირების განმახორციელებელი პირის დასკვნის საფუძველზე. შესყიდვის ობიექტი ჩაითვლება მიწოდებულად მხოლოდ მიღება-ჩაბარების აქტის გაფორმების შემდეგ.
- 5.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს საქართველოს გენერალური პროკურატურის ეკონომიკური დეპარტამენტის მატერიალურ-ტექნიკური უზრუნველყოფის სამმართველოს უფროსი ან მისი მოვალეობის შემსრულებელი.

6. ანგარიშსწორების ფორმა და ვადები

- 6.1 მიწოდებული შესყიდვის ობიექტის ღირებულების ანაზღაურება მოხდება უნაღდო ანგარიშსწორებით ეროვნულ ვალუტაში.

6.2 ფასი მოცემული უნდა იყოს საქართველოს კანონმდებლობით გათვალისწინებული ყველა გადასახადის და მიწოდებასთან დაკავშირებული ყველა ხარჯის გათვალისწინებით.

6.3 ანგარიშსწორება განხორციელდება მიღება-ჩაბარების აქტის და საქართველოს კანონმდებლობით დადგენილი შესაბამისი დოკუმენტაციის წარმოდგენის (იმ შემთხვევაში თუ მიმწოდებელი არ არის დღე-ს გადამხდელი, მის მიერ წარმოდგენილი უნდა იქნას შესაბამისი ცნობა) შემდეგ. ყველა დოკუმენტი ხელმოწერილი უნდა იყოს მხარეთა უფლებამოსილი წარმომადგენლ(ებ)ის მიერ.

6.4 ანგარიშსწორება მოხდება მიღება-ჩაბარების აქტის გაფორმებიდან და შესაბამისი ფინანსური დოკუმენტაციის წარმოდგენიდან 10 (ათი) სამუშაო დღის განმავლობაში.

6.5 თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

6.6 დაფინანსების წყარო: 2024 წლის სახელმწიფო ბიუჯეტი.

## 7. მხარეთა უფლება - მოვალეობანი

7.1 შემსყიდველი ვალდებულია უზრუნველყოს მიწოდებული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.2 მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 მიმწოდებელი ვალდებულია:

ა. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

ბ. საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან/და ნაკლის აღმოფხვრა შემსყიდველის შეტყობინებიდან 5 კალენდარულ დღეში.

## 8. ინსპექტირება

8.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება, რისთვისაც გამოყოფს უფლებამოსილი პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების დროს.

8.2 ინსპექტირებას განახორციელებს საქართველოს გენერალური პროკურატურის ეკონომიკური დეპარტამენტის მატერიალურ-ტექნიკური უზრუნველყოფის სამმართველოს უფლებამოსილი თანამშრომელი/თანამშრომლები, რომლების უფლებამოსილნი არიან ინსპექტირება განახორციელოთ როგორც ერთობლივად, ისე ინდივიდუალურად.

8.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული მომსახურება, მიმწოდებელი ვალდებულია ხელშეკრულების 7.3 მუხლის შესაბამისად გამოასწოროს წუნი.

8.4 ინსპექტირების განმხორციელებელის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულებების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულებების ნაკლოვანებებს ინსპექტირების გამწვევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.5 „მიმწოდებლის“ მიერ ხელშეკრულებით ნაკისრი ვალდებულებების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

## 9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულების 4.2 ან/და 7.3 პუნქტებით გათვალისწინებული პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების შეუსრულებელი საერთო ღირებულების 0.2%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე შეუსრულებელი ვალდებულების ღირებულების ან არაჯეროვნად შესრულებული ვალდებულების ღირებულების 0.2%-ის ოდენობით.

9.3 ხელშეკრულების 6.4 პუნქტით გათვალისწინებული გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.2%-ის ოდენობით.

9.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

9.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## 10. ხელშეკრულებაში ცვლილების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.6 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.7 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების ვადის 15 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

10.8 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## 11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

## 12. ფორს-მაჟორი

12.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, ქვეყანაში არსებული კრიზისით და სხვა.

12.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

12.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 13. სხვა პირობები

ხელშეკრულება გაფორმებულია ქართულ ენაზე, ელექტრონულად.

## 14. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2025 წლის 31 იანვრის ჩათვლით.

## 15. მხარეთა ხელმოწერები:

შემსყიდველი

მიმწოდებელი

საქართველოს გენერალური პროკურატურის ეკონომიკური  
დეპარტამენტის უფროსი

შპს „თეგეტა პრემიუმ ვიიქელს“ - ის  
დირექტორი

შოთა ქარჩავა

პეტრე წაქაძე

დანართი N3

ფასების ცხრილი  
ავტომანქანების გეგმიური მომსახურება

| N           | სათადარიგო ნაწილების დასახელება | ბრენდი | მახასიათებელი /<br>განზომილება | ერთ ჯერზე<br>შესაცვლელი<br>საქონლის<br>რაოდენობა | ერთ.ფასი | სერვისის<br>ღირებულება | 10000 კმ | 20000კმ | 30000კმ | 40000კმ  | 50000კმ | 60000 კმ | 70000 კმ | 80000 კმ | 90000 კმ | 100000 კმ | 110000 კმ | 120000 კმ | 130000 კმ | 140000 კმ | 150000 კმ | ჯამი     |        |           |
|-------------|---------------------------------|--------|--------------------------------|--------------------------------------------------|----------|------------------------|----------|---------|---------|----------|---------|----------|----------|----------|----------|-----------|-----------|-----------|-----------|-----------|-----------|----------|--------|-----------|
| 1           | მრავის ზეობის ხარკი             | Shell  | ლიტრი                          | 5                                                | 49       | 20.00                  | 265.00   | 265.00  | 265.00  | 265.00   | 265.00  | 265.00   | 265.00   | 265.00   | 265.00   | 265.00    | 265.00    | 265.00    | 265.00    | 265.00    | 265.00    | 3,975.00 |        |           |
| 2           | მრავის ზეობის ფილტრების ხარკი;  | Mazda  | ცალი                           | 1                                                | 60       | -                      |          |         |         |          |         | -        |          |          |          |           |           | -         |           |           |           | -        |        |           |
| 3           | პერის ფილტრის ხარკი;            | Mazda  | ცალი                           | 1                                                | 115      | 10.00                  |          | 125.00  |         | 125.00   |         | 125.00   |          | 125.00   |          | 125.00    |           | 125.00    |           | 125.00    |           | 875.00   |        |           |
| 4           | წინა სამუხრუჭე ზუნდების ხარკი;  | Mazda  | ცალი                           | 1                                                | 405      | 20.00                  |          | 425.00  |         | 425.00   |         | 425.00   |          | 425.00   |          | 425.00    |           | 425.00    |           | 425.00    |           | 2,975.00 |        |           |
| 5           | უკანა სამუხრუჭე ზუნდების ხარკი; | Mazda  | ცალი                           | 1                                                | 549      | 30.00                  |          | 579.00  |         | 579.00   |         | 579.00   |          | 579.00   |          | 579.00    |           | 579.00    |           | 579.00    |           | 4,053.00 |        |           |
| 6           | წინა საგრდენი დისკი             | Mazda  | ცალი                           | 2                                                | 540      | 20.00                  |          |         |         |          |         | 560.00   |          |          |          |           |           | 560.00    |           |           |           | 1,120.00 |        |           |
| 7           | უკანა საგრდენი დისკი            | Mazda  | ცალი                           | 2                                                | 340      | 30.00                  |          |         |         |          |         | 370.00   |          |          |          |           |           | 370.00    |           |           |           | 740.00   |        |           |
| 8           | სალონის ფილტრის ხარკი;          | Mazda  | ცალი                           | 1                                                | 119      | 20.00                  |          | 139.00  |         | 139.00   |         | 139.00   |          | 139.00   |          | 139.00    |           | 139.00    |           | 139.00    |           | 973.00   |        |           |
| 9           | ანიების სანიღები;               | Mazda  | ცალი                           | 4                                                | 110      | 80.00                  |          |         |         |          |         | 520.00   |          |          |          |           |           | 520.00    |           |           |           | 1,040.00 |        |           |
| 10          | მრავის ღვედი დამჭიმით           | Mazda  | ცალი                           | 1                                                | 703      | 120.00                 |          |         |         |          |         | 823.00   |          |          |          |           |           | 823.00    |           |           |           | 1,646.00 |        |           |
| 11          | გადაცენათა კოლოფის ზეთი         | Mazda  | ლიტრი                          | 8                                                | 45       | 150.00                 |          |         |         |          |         | 510.00   |          |          |          |           |           | 510.00    |           |           |           | 1,020.00 |        |           |
| 12          | გადაცენათა კოლოფის ზეთის ფილტრი | Mazda  | ცალი                           | 1                                                | 215      | -                      |          |         |         |          |         | 215.00   |          |          |          |           |           | 215.00    |           |           |           | 430.00   |        |           |
| 13          | საწვავის ფილტრი                 | Mazda  | ცალი                           | 1                                                | 478      | 110.00                 |          |         |         |          |         | 588.00   |          |          |          |           |           | 588.00    |           |           |           | 1,176.00 |        |           |
| ჯამი ლარში: |                                 |        |                                |                                                  |          |                        | 3,728.00 | 350.00  | 265.00  | 1,533.00 | 265.00  | 1,533.00 | 265.00   | 5,119.00 | 265.00   | 1,533.00  | 265.00    | 1,533.00  | 265.00    | 5,119.00  | 265.00    | 1,533.00 | 265.00 | 20,023.00 |

\* პრეტენდენტი უფლებამოსილია ცხრილ N3-ში ჩამატოს (განსაზღვროს) ის გეგმიური საგარანტიო მომსახურებ(ებ)ი (მაგალითად ხიდის ზეთი და ა.შ.), რომლებიც არ არის მოცემული აღნიშნულ ცხრილში.

\* პრეტენდენტის მიერ წარდგენილი სერვისის მომსახურების განვსება ძალაში უნდა იყოს ავტომობილის საგარანტიო პერიოდის ამოწურვამდე, ფლობის განმავლობაში.